

## ¡BOMBA!

Que ya nadie se equivoque por la reforma incompleta: Senador que se respeta ¡no deja sacar el toque!



# K'uintsil

Lunes 23 de noviembre de 2020

CAMPECHE · YUCATÁN · QUINTANA ROO · AÑO 6 · NÚMERO 1364 · www.lajornadamaya.mx

## XMA' BO'OLIL BÁAKUNA OB TI'AL ÓOTSIL MÁAK, G20E' KU MOKT'ANTIK U BO'OTIK U YANTAL TI'OBÍ'

### VACUNAS GRATUITAS PARA LOS POBRES, G20 SE COMPROMETE A GENERAR FONDOS



## YÉTEL CARLOS JOAQUÍN TU POOLILE', GOANE' KU KAXTIK U JÓOPSIK ÉEKONOMIA TUKA'ATÉEN TU LU'UMIL MÉXICO

### CON CARLOS JOAQUÍN AL FRENTE, GOAN BUSCARÁ REACTIVACIÓN ECONÓMICA EN EL PAÍS

CANCÚN. U yantal jump'éeel seguróo ti'al u k'iinil mina'an meyaj, u táakmuk'ta'al jump'éeel nu'ukbesaj ti'al u ts'a'abal meyaj u jaats k'iino'ob, u káajsa'al Centro T-MEC, u péektsilta'al lu'um ti'al u yantal máax oksik taak'in ti'al u meyajta'al energías verdes, u ka'a pakta'al México beey jump'éeel lu'um je'el u páajtal u xímbalta'al yéetel u jeel beeta'al u meyaj u nu'ukbesajil Fonden, chéen jayp'éeel

ti' le meyajob ob ku tukulta'al u beeta'al tumen Asociación de Gobernadores de Acción Nacional (Goan), úuchik u yéeya'al u jala'achil Quintana Roo, Carlos Joaquín González, beey u túumben jo'olbesaj múuch'kabil.

Beey úuchik u je'ets'el tumen u yéet panistailo'ob, ti' jump'éeel múuch'tambal beeta'ab le sábado máanika', tu noj kaajil Cancún.

RIAD. U virtualil múuch'táambal G20e', táan u chúunul te'e ja'aba' yéetel u tuukulil u jóok'sa'al táanil kaaj yóok'lal nojoch talamilo'ob yaan yóok'lal COVID-19, beyxan táan u kaxta'al ka yanak múul meyaj ichil lu'umob táakano'obi' ti'al u aktáanta'al pak'be'en k'oja'an. Múuch'táambale' jts'o'ok le domingo máanika', yéetel mokt'anta'ab u yantal taak'in ti'al u beeta'al u yantal u báakunail óotsil kaajo'ob.

"Ts'o'ok u chan nonojtal ba'al kbeet te'e ja'aba', ts'o'ok kbeetik ba'ax t-a'alaj ti'al u páajtal kmúul meyaj tu táan COVID-19, tumen beey kéen kaláanta'al u kuxtal máak yéetel xan máaxo'ob jach mina'an ti'ob ti'al u kuxtalo'obi'", beey tu ya'alaj u ajawil Arabia Saudita, Salmán bin Abdelaziz, lu'um tu'ux jo'olbesa'ab u beeta'al múuch'tambal.

Ka'aj ts'o'ok u níib óoltik uláak' aj-jo'olbesaj máako'ob táakpajao'ob te'e ka'ap'éeel k'iino'ob xáanchaj múuch'tsikbale', jts'a'ab u páajtalil u t'aan, Giuseppe Conte, máax beetik u jala'achil Italia, tumen leti' ken u jo'olbes G20 lik'ul u yáax k'iinil diciembre, ba'ale' leti'e' tu ya'alaj jach táan k'a'anan u ts'aatáanta'al tuláakal ba'ax ku beeta'al yóok'lal cambio climático, tumen ti' leti'e' yaan u tuukulil "u péektsilta'al ka k'a'abéetkuns'a'ak téeknologías séeba'antak yéetel utstak ti'al yóok'ol kaab", ts'o'okole' k'a'anan xan u mu'uk'anchajal múul meyaj ichil noj lu'umo'ob k'as káaj u sa'atal ka'alikil táan u beetik u jala'achil Estados Unidos, Donald Trump.

Ti'al u páajtal u beetchajale', táan u binetik 28 mil millonesil dólares ti'al u páajtal u bo'otal meyajob u ti'al. Ti' le je'el'obo', 4 mil 200 millonesile' yaan u k'a'abéetchajal ti'al u ts'o'okbal le ja'aba'.